

## Rencana Pengarang

### Kedudukan Kaum Muslimin di India

Kedudukan kaum Muslimin yang sentiasa hidup aman dan damai di daerah-daerah di dalam India yang menjadi penduduk yang kecil adalah sentiasa terancam apabila berlaku hari-hari perayaan seperti Hari Deepavali, Hari Natal atau pun Hari Raya yaitu terbit daripada serangan-serangan keganasan orang-orang Hindu di sana. Kejadian yang serupa ini hampir-hampir merata berlaku di seluruh India dan menjadi mangsa di dalam peristiwa ini ialah kaum Muslimin yang cintakan perdamaian. Ini ialah perkara yang bukan menjadi rahsia lagi bagi kaum Muslimin di luar India.

Pada tahun 1967 beberapa pergaduhan perkauman telah berlaku yaitu bersamaan dengan masa pilihan raya wanita-wanita Islam dikatakan telah diculik. Polis telah menceroboh ke rumah-rumah orang-orang Islam memperkosa dan mencerca wanita-wanita, memukul dan menangkap beratus-ratus orang kaum Muslimin yang tidak berdosa termasuk kanak-kanak. Dalam masa kacau-bilau itu polis menggunakan kekuasaan undang-undang istimewa bagi menolong pelampau-pelampau yang menyamun dan merampas harta benda orang-orang Islam serta menyalakan api perkauman. Inilah sifat pertadbiran yang dibentang dan dipaparkan oleh seorang penulis Indian Muslim.

Kerajaan India gagal memberi perlindungan kepada golongan kecil di India, seluruh kaum Muslimin India sedang menderita, sedang menghadapi penderitaan dan kesusahan hidup. Kehidupan mereka sentiasa tidak terkawal dan tidak terjamin.

Kejadian rusuhan yang akhir pada bulan Januari 1968 menunjukkan kejahatan-kejahatan kaum lain terhadap kaum Muslimin. Langkah dan tindakan mereka adalah lebih dahulu dirancang. Tujuan pertama adalah untuk mengukuhkan kedudukan siyarah mereka. Rusuhan bulan Januari itu berlaku serentak di merata-rata tempat. Di sini nampak kelemahan kerajaan India menghadapi masalah tersebut. Kerajaan India tidak dapat mengontrol militan Hindu yang berkembang di sana-sini.

Pada bulan Ramadhan dahulu telah berlaku peristiwa-peristiwa yang tersebut – di Meerut, Kolkata dan Allahabad. Semua kejadian itu bersabit dengan amalan agama; mengikut laporan luar negeri kejadian rusuhan seperti ini berlaku di dalam 25 buah negeri.

Seorang ahli Parlimen menyatakan baharu-baharu ini bahawa rusuhan yang tersebut telah mengorbankan berjuta-juta jiwa kaum Muslimin dan lain-lain golongan kecil. Mereka yang luka-luka dan hilang rumahtangganya tidak terbilang pula banyaknya.

Menteri Dalam Negeri India, Chaban<sup>1</sup>, telah menyatakan dalam Parlimen bahawa dalam masa tiga tahun berakhir September 1967, bilangan rusuhan yang berlaku adalah sebanyak 411 kejadian, di dalam mana 600 kaum Muslimin terkorban,

2,000 orang luka dan 1,000 kehilangan rumahtangganya. Ini tidak termasuk kejadian-kejadian yang lebih ganas di Bihar, Kashmir, Kerala, Utara Padish, Awisa dan Bengala.

Di dalam laporan ahli-ahli penyiasatan Parlimen menyatakan: "Setelah menjalankan penyiasatan yang halus dan saksama maka didapati pihak pemimpin-pemimpin Hindulah yang bertanggungjawab atas kejadian tersebut."

Demikianlah nasibnya orang-orang Muslimin di India di dalam pemerintahan yang orang-orang Hindu sebagai golongan pemerintah, mereka yang mempunyai sesuatu tujuan terhadap penindasan umat Islam. Tindakan yang demikian tidaklah akan memberi ketenteraman terhadap kaum Muslimin di India yang mempunyai hak-hak kebebasan yang sama di dalam golongan masyarakat, tetapi bernasib malang menerima tekanan-tekanan yang hebat daripada keganasan orang-orang Hindu.

Tetapi sebaliknya penduduk-penduduk kecil orang-orang Hindu di tempat-tempat orang-orang Islam hidup aman dan damai terjauh daripada penindasan dan paksaan disebabkan oleh ajaran Islam yang cintakan kepada perdamaian.

### Kata-kata Hikmah

Kekayaan itu adalah sebagai air hujan; semakin banyak kita minum semakin terasa haus. Demikianlah juga dengan kemahsyuran.

(Imam Ghazali)

\* \* \*

Kehilangan kekuatan buat mengendalikan diri sendiri, adalah merupakan tenaga permulaan jatuhnya darjat diri sendiri.

(Byron)

<sup>1</sup> Perkataan yang sebenarnya adalah Charan